



## 'O pare, 'a mamma, 'e figlie (e tutt'o riesto d'a famiglia)

Musica di ignoto

### 1.

Vicienzo ch'era 'o Re d'a ferrovia,  
'stu frato mio ca mo' nun è cchiù Re,  
nun è cchiù Re, mo' tene 'a 'nzularchia...  
... e tene 'a 'nzularchia, tu 'o ssaie pecché!  
Pe' tte, ca m'he traruto ncoppa 'o muolo,  
s'è fatto giallo come un puparuolo.

Mammà s'è addolorata,  
perciò mo' sta malata,  
pe' tte!

Papà s'è 'ntusseccato  
e 'o fegato ha 'ngruossato,  
pe tte!

Pe' tte, ca m'he 'ngannato,  
cca ognuno sta malato:  
'o zio tene 'a colite  
e 'a zia tene 'a nefrite.

Pe' tte 'sta casa mia, che adesso tace,  
Mi pare l'ospedale della «Pace».

### 2.

Io songo 'o frato 'e sorema Custanza  
e sorema Costanza è sora a me.  
'Sta sora mia ch'è morta in gravidanza,  
è morta in gravidanza e 'o ssaie pecché!  
Pe tte, ca m'he 'ngannato d'o principio,  
pe 'n'impiegato 'e coppa 'o Municipio.

E pure mamma mia  
è morta 'e pecundria,  
pe tte!

Papà p'o disonore  
è muorto 'e crepacuore,  
pe tte!

Pe tte, femmena 'ngrata  
'sta gente s'è dannata:  
frateme s'è sparato,  
zì 'Ntuono s'è atterrato.

Pe tte, 'sta casa mia addo chiagno e canto,  
non è una casa, questo è un camposanto.

### Finalino

E pure 'a nonna e 'o nonno,  
ch'erano muorte 'a n'anno  
e avota, gira e avota,  
so' muorte 'n'ata vota.  
So' muorte tutte quante e moro io pure,  
me 'mbriaco e bonanotte 'e sunature.